

補充資料

釋迦佛過去與弗沙佛之因緣

《大智度論》卷四

問曰：菩薩幾時能種三十二相？

答曰：極遲百劫，極疾九十一劫。釋迦牟尼菩薩九十一大劫行辦三十二相。

如經中(《佛本行集經》卷第四)言：「過去久遠，有佛名弗沙。時有二菩薩：一名釋迦牟尼，一名彌勒。弗沙佛欲觀釋迦牟尼菩薩心純淑未？即觀見之，知其心未純淑，而諸弟子心皆純淑。又彌勒菩薩心已純淑，而弟子未純淑。是時，弗沙佛如是思惟：『一人之心易可速化，眾人之心，難可疾治。』如是思惟竟，弗沙佛欲使釋迦牟尼菩薩疾得成佛，上雪山上，於寶窟中入火定。是時，釋迦牟尼菩薩作外道仙人，上山採藥。見弗沙佛坐寶窟中，入火定，放光明。見已，心歡喜信敬，翹一腳立。叉手向佛，一心而觀，目未曾眴(尸又ㄣ、，眨眼)七日七夜，以一偈讚佛：

天上天下無如佛， 十方世界亦無比， 世界所有我盡見， 一切無有如佛者！

七日七夜諦觀世尊，目未曾眴，超越九劫，於九十一劫中得阿耨多羅三藐三菩提。」

六齋與八戒之補充

《起世因本經》卷第七

「諸比丘！一月之中，有六烏晡沙他(烏晡沙他，隋言受齋，亦云增長)，白月半助(助，增加)，有十五日，黑月半助，亦十五日，如此白黑二月，各有三受齋日。何等白月三受齋日？所謂月八日、十四日、十五日。黑月亦有三受齋日，如白月數。云何名為白黑二月各有三日，受於齋戒？諸比丘！白黑二月，各有八日。當於是日，四天大王，集其眷屬而告之言：『汝等可往普觀四方，頗有人輩，於世間中，多行孝順，供養父母，恭敬沙門婆羅門不？於諸尊長崇重以不？修行布施受禁戒不？守攝八關持六齋不？』時，四天王如是教勅其使者已，而彼使者如天王命，承奉而行，即下遍觀一切世人，是誰家中，孝養父母；有何族姓，恭敬沙門婆羅門等；誰家男女，敬事尊長；誰行布施；誰受六齋；誰持八禁；誰守戒德。爾時，使者如是遍歷世間觀察。見於人中，孝順供奉父母者少，承事尊重沙門者少，祇敬宿舊婆羅門、於諸長者崇敬亦少，布施微薄，受齋稀疎(同“疏”)，護戒不全，禁守多缺。是時，天使如是見已，即便往到四天王所，而啟白言：『天王當知，其諸世間一切人輩，無多孝養事父母者，亦無有多恭敬沙門婆羅門者，亦無有多敬重尊長者舊德者，亦無有多修行布施持六齋者，亦無有多奉持禁戒守八關者。』

「爾時，四大天王聞諸使者如是語已，意中慘然不甚歡悅，報使者言：『彼等世間，若實然者，其諸人輩，甚為不善。所以者何？人輩壽命，極成短促，止少時活，應修諸善，至彼後世，可得安樂。云何今者彼世間人，無有多行孝養父母，乃至不能修持六齋及以八禁守攝身口？此大損減我諸天眾，展轉增加阿修羅種。』諸比丘！若其世間，多人恭敬孝順父母，尊重沙門婆羅門等及諸宿舊，修行布施，樂受六齋，勤建福業，恆守八禁，如是相續。時，天使者巡察見已，上白四王：『大王當知，彼世間人，多有孝順於其父母，多有恭敬沙門婆羅

門及諸尊長，樂行布施，勤修齋福。』爾時，四大天王，從其使邊聞此語已，心大歡喜，踊躍無量，作如是言：『甚善甚善，諸世間人，能如是修極大賢善。何以故？彼諸人輩，壽命短少，不久便當移至他世。今者乃能於彼人間，孝養父母，敬事沙門及婆羅門諸耆舊等，多樂布施，持戒守齋。如此則當增長諸天無量眷屬，損減諸阿修羅種類。』

「諸比丘！云何黑白二月十四日，是烏晡沙他日？諸比丘！其黑白二月十四日，四大天王，亦如是召四天太子，使其來下，觀察善惡多少，歡喜愁慘，略說悉如天使所說，唯以太子自下為異。諸比丘！其黑白二月十五日，烏晡沙他。四大天王，自下世間，躬察善惡。知多少已，即自往詣彼善法堂，到諸天集議論會處，至法堂前，面向帝釋，陳說人間善惡多少違順等事。爾時，帝釋聞於人間修福者少，即便慘然悵快不樂，云何如是？天眾減少，阿修羅轉多。若聞人間如法多者，則大歡喜踊躍無量，作如是言：『我今天眾漸當增長。』緣此黑白二月六日，諸天下觀人間善惡故，名此日烏晡沙他。」

《正法念處經》卷第二十

時花鬘阿修羅王。聞是語已。告諸軍眾。今非鬪時。所以者何。閻浮提人。孝養父母。恭敬沙門。修行正法。以是事故。天有大力。是故我今非是鬪時。...(略)...若世間人。行法者少。則阿修羅勝。

受持般若波羅蜜之功德

《小品般若波羅蜜經》卷第二 摩訶般若波羅蜜明呪品第四

爾時釋提桓因與四萬天子在會中者，語釋提桓因言：「橋尸迦！應受持讀誦般若波羅蜜。」

佛告釋提桓因：「橋尸迦！汝受持讀誦般若波羅蜜，若阿修羅生念：『欲與忉利諸天共鬪。』爾時汝當誦念般若波羅蜜。以是因緣故，阿修羅惡心即滅。」

釋提桓因白佛言：「世尊！般若波羅蜜是大明呪，般若波羅蜜是無上呪，般若波羅蜜是無等等呪。」

佛言：「如是，如是！橋尸迦！般若波羅蜜是大明呪，般若波羅蜜是無上呪，般若波羅蜜是無等等呪。何以故？橋尸迦！過去諸佛，因是明呪，得阿耨多羅三藐三菩提。未來諸佛，亦因是呪，當得阿耨多羅三藐三菩提。今十方現在諸佛，亦因是呪，得阿耨多羅三藐三菩提。」

「橋尸迦！因是明呪，十善道出現於世，四禪、四無量心、四無色定、五神通出現於世。因菩薩故，十善道出現於世，四禪、四無量心、四無色定、五神通出現於世。若諸佛不出於世，但因菩薩故，十善道、四禪、四無量心、四無色定、五神通出現於世。譬如月不出時，星宿光明，照於世間。如是，橋尸迦！世無佛時，所有善行正行，皆從菩薩出生。菩薩方便力，皆從般若波羅蜜生。」

「復次，橋尸迦！若善男子、善女人，供養般若波羅蜜經卷，恭敬尊重讚歎，得是現世福德。」釋提桓因白佛言：「世尊！得何等現世福德？」「橋尸迦！是善男子、善女人，毒不能傷，火不能燒，終不橫死。又善男子、善女人，若官事起，誦念般若波羅蜜，官事即滅，諸求短者皆不得便。何以故？般若波羅蜜所護故。」

「復次，憍尸迦！善男子、善女人，誦念般若波羅蜜，若至國王，若王子大臣所，皆歡喜問訊，與共語言。何以故？憍尸迦！般若波羅蜜為慈悲一切眾生故出。是故，憍尸迦！諸求短者，皆不得便。」

...(略)...

爾時忉利諸天，化作天華，在於空中散佛上，作是念：「願般若波羅蜜久住閻浮提，閻浮提人當得誦習。」是時諸天，復以天花散佛上，作是言：「世尊！若有眾生行般若波羅蜜，修習般若波羅蜜，魔若魔天不得其便。」

...(略)...

「復次，憍尸迦！是善男子、善女人，讀誦般若波羅蜜故，為父母所愛，為宗親、知識、沙門、婆羅門所敬，衰惱鬪訟，如法能度。憍尸迦！是亦善男子、善女人現世功德。」

「復次，憍尸迦！般若波羅蜜經卷所住處，四天王天上諸天，發阿耨多羅三藐三菩提心者，皆來至般若波羅蜜所，受持讀誦，供養作禮而去。忉利天、夜摩天、兜率陀天、化樂天、他化自在天上諸天，發阿耨多羅三藐三菩提心者，皆來至般若波羅蜜所，受持讀誦，供養作禮而去。梵天、梵世天、梵輔天、梵眾天、大梵天、光天、少光天、無量光天、光音天、淨天、少淨天、無量淨天、遍淨天、無陰行天、福生天、廣果天、無誑天、無熱天、妙見天、善見天、阿迦膩吒天上諸天，發阿耨多羅三藐三菩提心者，皆來至般若波羅蜜所，受持讀誦，供養作禮而去。憍尸迦。汝勿謂但有阿迦膩吒天為供養般若波羅蜜故來。三千大千世界中欲、色界諸天子，發阿耨多羅三藐三菩提心者，皆來至般若波羅蜜所，受持讀誦，供養作禮而去。善男子、善女人，應作是念：『十方無量阿僧祇國土中，所有諸天、龍、夜叉、乾闥婆、阿修羅、迦樓羅、緊那羅、摩睺羅伽、人、非人，是等來至般若波羅蜜所，受持、讀誦、供養、作禮時，我當以般若波羅蜜法施。』善男子、善女人，般若波羅蜜經卷所住處，若殿堂、若房舍，無能毀壞，除先行業必應受者。憍尸迦！亦是善男子、善女人現世功德。」

...(略)...

「復次，憍尸迦！善男子、善女人，所住之處，應令淨潔；以淨潔故，非人皆大歡喜，來到其所。是中先住小鬼，不堪大力諸天威德故，皆悉避去；隨大力諸天數數來故，其心轉樂大法。是故所住處，四邊不應令有臭穢不淨。」

...(略)...

善男子、善女人，欲得如是等現世功德，當受持讀誦般若波羅蜜，如所說行。憍尸迦！善男子、善女人若不能受持讀誦般若波羅蜜，如所說行，當書寫經卷，供養恭敬，尊重讚歎，以好華香、塗香、末香、燒香、雜香，衣服、幢幡、伎樂供養。」

名相解釋

【阿育】（丁福保《佛學大辭典》）

（人名）**Aśoka**，舊稱阿恕伽。新稱阿輸迦。譯曰無憂。西紀前三百二十一年頃，於印度創立孔雀王朝之旃陀掘多大王（**Chandragupta**）孫也。紀元前二百七十年頃，統一全印度，大保護佛教，使之宣佈各地。王之傳，南北各異其趣。

北傳之阿育王經，阿育王傳，謂其母為瞻婆羅國之婆羅門女，名曰須跋羅祇（**Subhadrāṅgi**）。王幼時甚狂暴，不為父王所愛。欲以兄修私摩（**Śusma**）為嗣。偶值

領內德叉屍羅（**Takṣasilā**）國叛亂生，命彼往討。據阿育王經言：「器械資具悉不與之。」又阿育王傳言：「唯與四兵，不與刀杖。」父王之意蓋期其沒陣也。然彼豪邁善戰，平定叛亂，威權由此大張，遂於父王崩後，殺修私摩而登王位。

南傳之善見律一，島史六章，大史五章則與之異，當阿育王未為王時，出為烏闍衍那（**Ujjayini**）副王（**Yuvarāja**）在任地司收斂事（徵收租稅），偶聞父之訃音，倉皇歸都，首襲修私摩殺之，自即王位，四年間除同母弟帝須，並殺異母兄弟九十九人，然後舉即位大禮。是乃佛入涅槃後二百八十年也。

兩說雖異，而於即位前後兄弟間有內訌，則同。登位之初，依然極狂暴，殺大臣戮婦女無數。又容栴陀耆利柯之言，造一大地獄，戮無辜之民無算，及後翻然歸於佛教，大發揮慈悲精神，努力於正法之興隆宣佈。王之事蹟，有其敕語誥文（誥《么、》，皇帝的制敕）可證。又佛典中亦有記載，得彼此綜合而知之。誥文或刻於巖面（巖，高峻的山崖）或刻於石柱，現今所發見者，有三十四章。經幾多學者之苦心研究而得之。據是等誥文觀之，則王有兄弟姊妹及兩後。國都為華氏城（**摩揭陀國之故城也**），王權所及之範圍，北由雪山地方，南及摩奈索，東由頻伽羅灣，西及亞刺比亞海。誥文內容雖有種種異說，而要在宣佈正法（**Dharma**）天下和樂，獎勵國民懷抱慈悲精神之事。可知王不僅統御廣大之版圖，甚得其宜，併愛真理，富於博愛之精神，誠印度空前絕後之聖王也。即稱為有史以來世界之大王，亦無不可。

王歸佛之動機，自阿育王傳第一考之，乃因見海比丘之奇蹟，自善見律毘婆沙第一考之，乃出於尼瞿陀（**Nigrodha**）之感化，然有名之誥文第十三章有謂「天愛善見王灌頂第八年，征服迦餒伽，捕虜十五萬人，戮十萬人，其僵者更不知為幾倍。迦餒伽併吞以來，天愛熱心護持達摩，歸依達摩，又宣揚達摩教規。」則直接歸佛之動機，在於征服迦餒伽，然其遠因當為即位初年所經驗之悲劇與一沙門之說法，於殘忍酷薄之王心，喚起宗教的信念之萌芽，後又目擊征服迦餒伽之大慘事，一時勃發，遂直入佛門，歸於正法也。

王一入佛門，熱烈之度非常，於領內各地建立八萬四千大寺與八萬四千寶塔，又將正法宣佈之誥文刻於四方，親身拜佛跡而供養之，此其最著名之事蹟也。又依善見律婆沙第二考之，王即位十七年，於華氏城為異論防止，企求第三次之結集，以目犍連子帝須為上座，一千之長老從事於此，以九月終其效，結集終了之後，派遣宣教師於四方，如派末闍提（**Majjhantika**）至罽賓（**Kaśmir**）犍陀羅（**Gandhāra**）國，派摩訶提娑（**Mahādeva**）至摩醯沙末陀羅（**Mahisa-maṇḍala**）國，派勒棄多（**Rakkhita**）至娑那娑私（**Aanavāsi** 沙漠地方）國，派曇無德（**Yonaka-dkamma-rakkhita**）至阿波蘭多迦（**Aparantaka** 五河西部）國，派摩訶曇無德（**Mahadhamma-rakkhita**）至摩訶勒叱（**Mahā-ratṭha**）國，派摩訶勃棄多（**Mahārakkhita**）至叟那世界（**Yonaloka** 希臘領地）派末示摩（**Majjhima**）至雪山邊國（**Himavanta-pada** 尼波羅地方）派須那迦及鬱多羅（**Sonaka, Uttara**）至金地（**Suvarnabhūmi** 緬甸）國，派摩晒陀（**Mahinda**）至師子（**Lankā** 錫蘭）國，令各從事教化。以上乃善見律之所傳也。

又誥文第十三章記王與希臘之五王國交通。所謂五王國者：希利阿（**Syria**）曷奇伯篤（**Egypt**）買賽頓（**Macedon**）曷畢落司（**Epiros**）及克雷納（**Cyrene**）是也。

【夏安居】（丁福保《佛學大辭典》）

（術語）一夏九旬之安居也。行事鈔上之四曰：「由夏中壞行義多招譏復重故。文云：自今已去聽三月夏安居。」

安居，（行事）**Varṣa**，印度僧徒，兩期三月間禁外出而致力坐禪修學，是名兩安居。異名為坐夏，坐臘等。始此謂之結夏，解此謂之解夏。

業疏四曰：「形心攝靜曰安，要期在住曰居。」

【三安居】（丁福保《佛學大辭典》）

（行事）結夏之時期，舊譯家分前中後三期，始於四月十六日者為前安居，始於五月十六日者為後安居，始於其中間者，為中安居。其日數則九十日。見行事鈔資持記四之二。

又，新譯家為二期，前安居始於五月十六日，後安居始於六月十六日，而無中安居。但支那日本之僧徒皆取四月十六日為入安居之日。

西域記二曰：「印度僧徒，依佛聖教，坐兩安居。或前三月，或後三月。前三月當此從五月十六日至八月十五日，後三月當此從六月十六日至九月十六日。前代譯經律者，或云坐夏，或云坐臘，傳譯有謬。」

寄歸傳二曰：「若前安居，謂五月黑月一日，後安居則六月黑月一日。唯斯兩日合作安居，於此中間文無許處。」

圓覺經曰：「若經夏首，三月安居，當為清淨菩薩止住。」

【浮圖】（丁福保《佛學大辭典》）

（雜語）**Buddha**，又 **Stūpa**，又作浮頭、浮屠、佛圖，舊譯家以為佛陀之轉音。

廣弘明集二曰：「浮圖，或言佛陀，聲明轉也，譯云淨覺。滅穢成覺，為聖悟也。」

南山戒疏一上曰：「言佛者，梵云佛陀，或言浮陀、佛馱、步陀、浮圖、浮頭，蓋傳音之訛耳。此無其人，以義翻之名為覺。」

秘藏記本曰：「浮圖，佛也，新人曰物他也，古人曰浮圖也。」

新譯家以為窣堵波（即塔）之轉音。

智度論十六曰：「諸聚落佛圖精舍等。」

西域記一曰：「窣堵波，即舊所謂浮圖也。」

瑜伽倫記十一上曰：「窣堵波者，此云供養處，舊云浮圖者，音訛也。」

梵語雜名曰：「浮圖，素睹波，塔，制怛裡 (**Chaitya**)。」世多通用後義。（雜心云：有舍利名塔，無者名支提。）

【僧伽藍摩】（丁福保《佛學大辭典》）

（術語）**Samghārāma**，又作僧伽羅磨。略曰僧伽藍，伽藍等。譯曰眾園。僧眾所住之園林也。玄應音義一曰：「僧伽藍，舊譯云村，此應訛也。正言僧伽羅磨，此云眾園也。」

【摩訶目犍連】（丁福保《佛學大辭典》）

(人名) **Mahā-maudgalyāyana**，比丘名。法華經作大目犍連。阿彌陀經作摩訶目犍連，略曰目犍連，又曰目連。新稱曰摩訶沒特伽羅，沒特伽羅子。姓也。譯曰大讚誦，大萊茯根，大胡豆，大採菽等。佛十大弟子之一人。稱為神通第一者。初與舍利弗同為六師外道之一人，頗精通教學。雖領一百徒弟，然中心有不妥之念。因而與舍利弗互約，先得解脫者，必以告，故共競修行精進。一日舍利弗至王舍城，見五比丘中之馬勝，儀容端正，問其理由，始知佛陀出現，由一偈之法門(諸法因緣生。諸法因緣滅。我師大沙門。常作如是說。)，忽開悟得脫。次於竹園精舍，聞佛陀親說，得法眼淨之悟，因告之目連，共為諸佛子。二人弟子，合二百人，亦入佛門。

【阿那律】(丁福保《佛學大辭典》)

(人名) **Aniruddha**，舊稱阿那律，阿那律陀，阿泥盧豆，阿菟樓駄，阿樓駄，阿菟駄，阿泥菟豆，阿泥嚕多。譯曰如意無貪。新稱阿泥律陀。譯曰無滅如意。佛十大弟子之一。為佛之從弟，迦毘羅城之釋氏也。

玄應音義二十六曰：「阿那律陀，舊言阿那律，亦云阿菟樓駄，亦言阿泥盧豆，皆一也。此云無滅，亦云如意，甘露飯王之子，佛堂弟也。」

其傳見法華文句三，阿彌陀經慈恩疏上，名義集一。

【藍婆、毘藍婆】(丁福保《佛學大辭典》)

(異類) **Lambā**，法華經所說十羅刹女，第一謂之藍婆。第二謂之毘藍婆 **Vilambā**，正法華經翻為結縛。慧琳音義二十五曰：「準法華中，十羅刹女有名藍婆，此云乘。」

【分那柯】(丁福保《佛學大辭典》)

(異類) **Pūrṇaka**，夜叉名。譯曰滿。見孔雀王咒經上。

【檀那】(丁福保《佛學大辭典》)

(術語) **Dāna**，又作陀那。譯曰施。陀那鉢底 **Dānapati**，譯曰施主。遂略稱施主為檀那或檀越。

慧琳音義上曰：「檀，具云檀那，此云施。」

寄歸傳一曰：「梵云陀那鉢底，譯為施主。陀那是施，鉢底是主。」

翻譯名義集曰：「要覽曰：梵語陀那鉢底，唐言施主，今稱檀那。訛陀為檀，去鉢底留那也，又稱檀越者。檀即施也，此人行施，越貧窮海。」

又佈施也。翻譯名義集曰：「檀那，法界次第云：秦言佈施。若內有信心，外有福田，有財物，三事和合，心生捨法，能破慳貪，是為檀那。」